


月洲遺稿 巖垣六藏著 下

柳田文庫
文庫11
A 1121
3



文庫11
A1121
3



月洲遺稿卷下

平安 巖垣龜六藏著

門人

杉浦正臣

校

山田親良



宮本氏壽

知恩寺即目

一聲冷磬出林霞。紅葉深邊古梵家。時見宮娥來掃墓。
羅衣錦帶手黃花。

詠史

昨夜北兵飛渡江。君王醉起下金牀。聖算自有龍蟄計。



六軍無爲空張皇。潛幸景陽皆井裡。扈從寵妃孔與張。
心躍身戰不自禁。偏恐玉佩響鏘鏘。借問北來大將誰。
風流第一楊家兒。竊笑臨春結綺陋。傾想玉樹後庭詞。
十萬貔貅搜六院。只求秘譜與名姬。豈意王氣在井中。
巨石一下便收功。金陵江山有慙色。招得煬帝代煬公。
街上納涼

題楠公像

公出東西合。公亡南北分。流芳何處所。吉野花如雲。

詠史四首

求仙幾歲夢蓬瀛。誤落風沙五國城。飢凍只應祈一死。
回頭初悔學長生。

不許痛飲黃龍府。奉勅半生空斷酒。君王却在醉夢中。
三字獄成莫湏有。

岳武穆飲酒數斗。高宗戒之曰。異時到河朔。乃可飲酒。遂絕口不飲。

公義爭陳恢復策。私情竊幸和盈親。秦公全首韓公集。
方見舉朝皆婦人。

韓岳劉張善用兵。南朝何事與金盟。君王不畏百萬敵。
只畏阿兄歸汴城。

漫筆

日對門下士。倒觀案頭書。我書無暇讀。鎖指付蠹魚。每
逢放學日。耕以朱墨筆。縑紙走蚓蛇。詩文判得失。為人
不為已。喟然嘆且愧。終歲耕人田。何時濟吾事。

巖溪生病眼戲賦似之二首 錄一

書圃何妨廢目耕。金篦早已療心盲。碧空翳日輕雲涌。
銀海無風濁浪生。文字忌筌守昏默。家山入夢獨分明。
也應魯史來天譴。此事一編新輯成。生常有春秋此
事之著故及之

詠史

一朝富貴夥為王。仇視故人忽若忘。燕雀安知鴻鵠志。
入關先定法三章。

次塾子遊詩僊堂韻二首 錄一

先登斬獲赫功名。眾趨名利公獨清。萬戶侯可唾手取。
擲槍弄筆知何情。子陵謝世有祠堂。遺風山高而水長。
當時若就侯伯列。千載有誰進瓣香。

路上見伐梅

洗刪牆角梅。縱橫路上枝。三分去其二。何事太無慈。主
人釋斤鋸。揖余前致詞。年年花結子。群兒投石嬉。梅子
不足惜。其如瓦甕墮。禍首在斯樹。嚴刑非濫施。主人言
未畢。聞者掩耳馳。嗟呼好文本。遇厄一何悲。若欲梅不
實。併根他家移。若欲全屋瓦。舉實賂群兒。猶可喜人意。

何勞及樹肌。名卉生非地。君子仕違時。有花兼有實。亦為招禍資。世無知己者。寧老水雲湄。

遊神樂岡

獨松樹下倚清秋。千里南溟入寸眸。前林一縷茶煙起。失却天邊淡路洲。

匡衡鑿壁圖三首

當年苦學引隣燭。他日素餐叨宰衡。誤讀聖經緣底事。餘光照卷不分明。
容備求讀不求償。射策甲科登廟堂。誰識先生慣穿壁。權奸門下借餘光。

隣燈透壁照唔伊。讀得何書竊鼎司。贓罪十金天下笑。不惟詩說解人頤。

蒙叟夢蝶圖

要知胡蝶夢莊生。且說莊生夢胡蝶。不若安眠夢亦無。一莊一蝶沒交涉。

同春圃菊地二生遊華頂山遇雨四首錄一

嵐光冷壓鐘聲濕。林影淡消花暈濃。華頂閣前人散後。滿山烟雨看春松。

東山晚歸

三十六峯紫翠幽。鐘聲送客出林頭。朧朧麥浪烟千頃。

卷下
淡淡櫻雲月一鉤。歸路戀花頻顧望。殘尊藉草又淹留。
不妨沈醉至顛倒。行有肩輿宿有樓。

題真真圖應梯氏需

南嶽仙娘入畫圖。霧鬢風鬟冰雪膚。一見消魂趙進士。
百計求偶費工夫。喚名真真一百日。更灌綠灰酒幾壺。
飄然下來侍枕席。顧見畫屏成空白。方知色媒酒有功。
何論仙凡生死隔。哺啜談笑不異常。仇儂踰年竟弄璋。
忽有友人相離間。請將神劍斬鬼娘。是夕真真泣相辭。
讒舌如刀奈君疑。櫻口嘔盡去年酒。玉手携婦今歲兒。
依舊便爲匣中身。屏上添兒墨痕新。仙娘不解世間態。

只悔誤嫁負心人。不知人情薄如紙。世上滔滔趙進士。

示童生

督課兒曹不憚煩。書聲稀處笑聲喧。絕無一語及名利。
却勝俗談污耳根。

漫筆

禹王曾戒酒亡國。陸子未知茶破家。我有良方惟愛趣。
醉花醒月淡生涯。

佐野雪夜

寒宵留客火盆梅。他日復官燃死灰。惜被奸雄籠絡了。
冰心雪魄付塵埃。

謁和氣公廟在高雄

天平之朝有妖孽。流涎大寶將污蟻。毒從來擅媒。幸懷義何人敢僭竊。惟公丹心報國家。堅如鐵石白如雪。社稷安危誰擔當。神諭是非一言決。日嗣無恙萬年光。只賴直諫三十舌。批鱗元甘龍逢死。聖恩幸全伯夷潔。赫赫流芳照青史。千年廟祀仰忠烈。願鑄奸僧跪伏像。錢鎖繫之廟門闕。

讀漢書

貝錦成章陷賢傅。丹青曲筆誤名姬。漢家天子太聰慧。不殺讒夫殺畫師。

詠史和佐井生韻

詭謀完璧壁先行。一介留身甘鼎烹。可惜秦王不知寶。寶臣宜換十五城。

示和田生生被偷兒竊衣

妖星昨夜犯書房。衣衫羽化留空箱。千悔萬恨將誰咎。由來誨盜在慢藏。聖門美服君知否。忠為衣也信為裳。令聞廣譽施身體。不願他人文繡裝。但使寒威不侵骨。敝袍狐裘兩相忘。請看遊庠放蕩子。典盡衣裳及縹緗。赤裸貿貿歸鄉里。贏得滿身風流瘡。須知貧富不關學。回也入室賜外堂。人間萬事塞翁馬。安知空箱非吉祥。

楠廷尉

無謀輕一死。其奈國家何。須識斯公志。湊川即汨羅。

織田三七 應飯田生之囑

三郎公族傑。宜主會盟壇。一戰討仇易。共和輔國難。能存鶴鶴義。豈使沐猴冠。可惜乘英氣。舉兵挑老奸。

飼金魚

叩檻投芳餌。應聲簇錦雲。中有離群者。悠然如不聞。

賣花聲

深巷賣花聲。曉風遠傳送。春眠不肯醒。更復繼香夢。

啣新茶

試烹新綠茗。餞送百花春。醒却繁華夢。方知淡味真。

聞塾子輪講論語

把玩圓珠擬潤身。立論高遠說紛綸。匹如亂戰發方銃。

空射天邊不射人。

癸丑正月二日舉男戲詠牛

犁牛生一犢。應似犁牛駁。我本畏犧身。猶祈駢且角。

春山雨霽圖

夕陽山外送殘雨。晚靄鴻邊挂彩霓。急走徐行雲斷續。深青嫩綠樹高低。輕風有色柳飄岸。流水無聲花咽溪。林間四開人不見。應分菊苗種春畦。

春曉七首錄一

春夢甘於肉。旭窓花影流。曉鶯呼百轉。無奈睡鄉侯。

湖村春晴二首錄一

幾疊烟波幾疊山。漁家散在鷺鷥間。釣耕春至人雖劇。雲水天寬意自閑。架上網侵垂柳曝。橋邊舟載落花還。那中恐有仙源路。一帶挑霞鎖碧灣。

讀宋史

張浚戰主義。三敗神州淪。秦檜和偷安。廿年息兵塵。借問天下事。任張將任秦。二子皆誤國。和戰罪惟鈞。國是果何在。須先醫弱貧。堯舜且休述。管葛法可遵。苟能免

左衽亦足算仁人。

災後過上京

焦土茫茫夢一般。曉風吹雨更悲酸。殘倉遺庫離離立。僅作荒村農舍看。

破扇

欲清天下熱。不恨微軀瘁。篋底雖投閑。秋風成我志。

牧童

牧兒無所求。只求牧與芻。牛肥吾事了。枕肱睡午蕪。何似牧民者。不問民肥癯。

雪中三顧圖二首錄一

銅雀臺上賀雪日。卧龍岡下停車時。黃雲慘澹郊山暗。
風叫林外凋旌旗。魚水契合立談際。一見新知如舊知。
草廬潛定三分策。阿瞞空圖一統期。君不見西伯渭陽
獵。所獲非龍亦非螭。何似南陽三顧聘。臥龍感恩許驅
馳。今人空慕古人蹤。画出劉葛交情濃。悠悠多是葉公
輩。不好真龍好画龍。

題酒瓢

刻苦盛甘投俗好。不材亦作醉鄉賓。花下芳筵月下舟。
主人未倒君休倒。

紉川納涼

夾水亭臺爭賣醪。炎威好向此鄉逃。蟬聲遠近奏清樂。
林影動搖翻翠濤。欄外洗杯魚擲玉。松陰對奕艇如刀。
醉眠一覺漱流處。掬碎晚汀新月高。

春泛二首 錄一

幾曲青山幾曲流。半篙春漲伴鳧鷗。柳烟忽散挑霞沸。
花影一川欲礙舟。

西郊晚歸

嵐山西顧夕陽銜。十里菜畦煙半緘。是處殘尊堪再酌。
黃花如海蝶如帆。

桂渡

呼渡難堪渡了嬾。上舟却恨舟程短。貪看春山未轉頭。
一篙已到垂楊岸。

竹院借涼

竹陰深處訪禪房。已有吟蟬來借涼。碧玉篩過風若水。
對棋人影落池塘。

詠卷鮓

京俗貨食店賣鮓以正月二日開市

白飯埋肴紫苔裹。鑿刀片切月團團。食單傳到孟春令。
其臭微腥其味酸。

題國基論後

西山薇蕨東籬菊。千古清風立世綱。何似新編登黼黻。

座。筆花添得御爐香。

山茶

梅前菊後早偷春。燃雪傲霜紅艷新。中有小蒼甘晚暮。
閑看先輩落成塵。

丙辰元日

少壯未諳清世味。老衰始感太平恩。頻遭波浪翻人海。
幸免飢寒到華門。
玉闕重開新日月。金甌無恙舊乾坤。慣聞邊報渾閑事。且醉春盤唱壽言。

見蹈趺人有感

飛脚如行千里外。終身不出一盆中。熟成寧解味濃淡。

賣與他人誇製工。

叢祠避暑

繞廟清流帶茂林。蟬聲斷續夕陽深。庭沙如雪風如水。
吹送鈴巖出綠陰。

自訟

十五誦詩書。囫圇不知味。二十義初通。但恠解書易。味
淡如白湯。流覽似飛駟。百篇無一疑。開卷便生睡。三十
稍生疑。一字費三思。漢註及唐疏。涉獵摘其粹。舊解或
葛藤。擊斷出新義。偶然得竒解。寶視而珍秘。講論排先
儒。直將泚洙泗。不知吾品行。未免鄉人比。四十覺前非。

回首悔且愧。誤讀十年書。未解一箇字。折節求正路。平
心除客氣。讀古不讀文。要得聖賢意。心印契古人。十中
得一二。驗之日用間。味美如啜菽。初知解經訣。全在修
人事。爾來每講經。兩腋汗如沸。高山當我前。悵然歎蹇
跛。跛鼈行不已。千里終可致。三復誦斯語。未忍敢自棄。
觀彼行人。誰不踐實地。願此行道。人。有如鳥無翅。志
氣驚高遠。終身無所至。

戊午詩曆二首 錄一

管仲器雖小。桓公正不譎。三戰攘夷狄。四海歸寧謚。如
今國步難。憂貧十六七。可笑腐儒徒。猶諱富強術。

還俗尼

已悟幻身如電光。何妨綺夢學鴛鴦。春田枯柳翠眉發。
冬暖狂花紅頰香。歌按舊琴嫌梵調。頭低新髻謝空王。
朝來臨鏡呼隣女。細問淡濃時世粧。

春雨

半日春陰風又斜。一犁膏雨妬繁華。茸茸得意滿庭草。
纍纍含愁幾樹花。鶯切訴寒啼竹院。蝶忙避濕入窓紗。
幽人亦作消閒計。簑笠把鋤分菊芽。

湖上曉行二首

曉湖占得穩風濤。水驛買舟忙進篙。知是昨宵驚客夢。

掠蓬杜宇一聲高。

風恬湖面平於席。煙盡山頭湧似濤。一片蒲帆指何處。
柳塘殘月兩竿高。

鴨水月泛

是夏浚河。官命造小舟以供納涼。

酒酣樓上苦炎蒸。戲弄輕舸破碧澄。認得玉人呼柳外。
大和藕畔月如冰。

秋園散步

雨過鳥聲樂。百果富秋園。切齒石榴怒。脫胎栗子奔。迂
行流水遲。小立草花根。回首春歌起。夕陽烟一村。

題畫

隔林殘月落。歷歷翠梢分。人在殘月上。開樓掃白雲。

東郊晚歸

竹塢烟村伴晚鴉。醉歸途上苦思茶。誰家別墅槿籬裡。
流水小橋天竺花。

栽松三首

天下漸多事。繁華頓廢顏。栽松計已晚。猶擬棟梁材。
霜林凋落後。忙急聘蒼官。欲借一株翠。支持園景殘。
細論向背勢。頗費栽培工。低枝要掛月。高杪欲吟風。

田家花

斜枝作態出柴籬。紅影蕭然照野池。會有都人來議價。

寧羅村裡聘西施。

晒書

萬卷鱗攤驅白魚。閑人僅護聖賢書。更歎平世多生蠹。
安得清風一掃除。

雨中看花

名士多從身後貴。好花偏向雨中榮。春光入手便須醉。
休待明朝吊落英。

夏晚

灌水一庭忙桔槔。晚來浴罷坐茶寮。半輪新月到檐角。
松影離披簟上飄。

明妃曲

羶車出塞便驚魂。風吼沙奔白日昏。初覺漢宮花月夕。空房抱影亦君恩。

移居

曾厭人間識姓名。埋蹤霞外混漁耕。琴書載輦舊生計。花竹遶池新築營。入戶賀賓惟野燕。卜隣吟友是林鶯。暖房醉對連山翠。試料何峯吐月明。

雲山小景圖

幽壑深無底。孤峰浮半天。名工惜墨甚。此外只雲烟。

消夏吟

靜能勝熱。潔生涼。此是吾家消暑方。案有琴書坐無客。滿亭翠影竹風香。

孟母斷機圖

斷織慈心苦欲摧。一言警策發英才。他年果出新機軸。接續尼山遺緒來。

讀胡澹菴封事四首錄二

氣如虹霓語如霆。國脉纔存賴筆靈。一個忠臣容不得。江南果是小朝廷。身竄南荒途萬里。書傳北虜價千金。不圖犬豕有知己。羞殺廟堂無賞音。

病中九日

戊午之秋。奇病流行。不出三日而死。蓋霍亂之劇者。余亦感其輕症。

枕上忽聞瓶菊香。始知今日屬重陽。頃來謝客門庭靜。未免請醫迎送忙。晴晝遣懷觀畫冊。夢魂踐約上秋岡。睡中忘却病中課。待婢呼醒進藥湯。

平安城瑞靄

大谷廿景之一

定鼎千餘歲。炊煙十萬家。凝成一片靄。長養東山花。

後赤壁圖

秦字

昔遊歸一夢。俯仰能無驚。劃水千岩涌。攀山孤月明。風松龍影動。霜岸鶴聲橫。笑問舟中樂。何如江上行。

山家春曉

童子走報茶已烹。山窓夢暖旭光明。殘棋欲喚隣僧了。一夜落花埋石枰。

狙公養群狙圖

天福由來有涯分。早年多取晚年虛。暮三朝四君休笑。世上何人不點狙。

詠木魚

應土佐木戶生之囑。邦俗所謂鯉節清俗稱木魚。

鉛錘魚品賤。風艇乃可貴。土州惟上上。執薩列其次。銳與犀角同。寧與象牙類。不脛走四方。盛筐充慶贄。薄鏹如葉捲。細削如花墜。投之鼎羹中。便生味外味。調和勝鹽梅。能化筍蔬氣。妙在淡而甘。弊素如食葷。一日無此

君易牙不濟事。王侯至野人。誰不享其利。利大不居名。
功成不居位。宜哉謚曰節。堅名木魚字。

藤樹先生二百年忌辰賦呈祠堂

近代儒生落藝家。詩文書畫競相誇。窮經畢竟屬兒戲。
同室操戈相紛拏。只是詩書賊人品。未聞諷誦生德華。
我求先哲誰攀附。卓爾江西古藤樹。壽纔四十德千尋。
宜此漢家黃叔度。經學文章無一長。不向世間留玩具。
餘韻流風在口碑。令人欽慕百世師。請看近江聖人澤。
汪汪萬頃大湖陂。

柳陰漁家圖

春水半篙魚始肥。岸頭風白柳花飛。全家湖上打漁去。
付與閑鷗護荻扉。

菜花

東風一樣占芳辰。不做百花爭媚春。渺渺香兼野煙漲。
輝輝色奪夕陽新。黃雲滿地疑無路。青繖行空知有人。
鄙紫凡紅休例視。曾期膏澤濟斯民。

悼亡七首

○人家死後。每逢七日。招僧誦經。余代以詩。

秋風一夕紫蘭摧。空駐餘香在鏡臺。去歲重陽新種菊。
嗟君不及見花開。○亡妻諱蘭。季子名菊。
哭聲如沸出閨帷。方是靈輜發輶時。驚覺嬰兒眠足後。

乳人懷裡笑嘻嘻。

永訣偏逢搖落初。單眠倦夜眼如魚。枕上空留殘藥盞。燈前猶閱禁方書。

鬢髮一群去拜場。扶人秀女學焚香。歸來怪向阿爺問。

只見新墳不見孃。次女年五歲

閱簿商量鼎奠儀。夜闌燈燼暗靈帷。遺衣分贈親家女。猶欲呼君謀可宜。

舊衣頽盡搭箱空。中有裁縫未畢功。小姐燈前幾舒卷。

憑誰口授續針工。長女年十四

君向黃泉余白首。斷絃難續寂空閨。一般煩惱誰擔當。

頑女駭兒求菓啼。

詠史

管商霸齊秦。申韓効富榮。後來誰嗣響。惟有一孔明。可恨坐談客。苛論妬功名。律以唐虞典。赫以孔孟聲。妖狐借虎威。腐儒托聖經。滿口稱王道。心疑閻事情。在家談道德。居官靠政刑。所施非所講。安能濟蒼生。束手視飢寒。低首奉蠻荆。丹青畫鬼易。難寫犬馬形。安石求富強。反致宋室傾。此輩視數公。匹如乳臭嬰。悠悠讀書士。宜鑒敗成。枵腹說龍肉。何如喫羊羹。不見尼山政。足食且足兵。

歲暮

償債初思儉。窮冬却惜陰。惟應一年計。不失臘抄心。

山中春曉

溪深雲宿久。山近日昇遲。黃鳥呼回夢。幽人醒憶詩。逍遙春草逕。點檢曉花枝。竹外訪隣衲。茶烟颺一絲。

患眼作二首錄一

昏昏默默了殘生。筆未書田共廢耕。漫想扁舟漂夜國。回看一室渺滄瀛。送迎拜客向空位。使令呼人或誤名。賴有夢中心快活。山花江月望分明。

明皇打球

玉環相對戲。穿柳月徘徊。失脚有餘勢。踢翻天下來。

浴後坐月

不巾不帶放形骸。茶熟香薰池上齋。如水月光重浴我。忝差松影上襟懷。

紙帳

媧皇煉石費經營。何似紙糊天宇清。雲母障中風自絕。瑤華洞裏雪新晴。一宵蝶夢宜高枕。四面蚊雷敢犯城。卧看多情涼月照。画來窓竹影分明。

走馬燈

紙輪燈柱轉如毬。後騎先徒列似流。一往狂奔應畏影。

千回躲避或嫌仇。忙過高閣秋風夕。孤負閑窓明月秋。
猶勝人間逐名利。營營日夜不能休。

讀史

潛龍出北海。挾雲御中天。鯨鯢忽就戮。魍魎逃深淵。恢
復比光武。英明比周宣。恨無善後策。扶持國家顛。轉
眼局面變。蒙塵南山烟。王綱再解紐。霸業燬還燃。試
陳時務策。調琴更張絃。文武宜易地。尚功兼尚賢。公卿
出守郡。分土鎮九邊。將校列槐棘。勿復掌兵權。衣冠換
甲冑。議政丹宸前。自消跋扈心。金甌永得全。惜失此
機會。滿朝人盡眠。惟有龍馬對。挂冠事金僊。自恨我

生晚。不逢中興年。扼腕感往事。掩卷空喟然。

探梅歸舟三首錄一

折梅湖上歸。一艇晚風白。得意擁仙娥。何如范少伯。

孟母遷居圖三首錄一

傍人應怪頻移宅。辛苦養孤兼養才。請看先生齊語喻。
全師慈母教方來。

寄題和泉式部軒端梅

好文木下好文人。生死相依有宿因。請看孤墳三尺土。
年年併葬落花塵。

題閑雲樓

茶餘坐觀易。醉後臥看山。白雲來復去。不似主人閑。

詠玉獅鎮紙三首錄一

托體千金璞。逞威百獸王。如何負鎮守。縱鼠侵文房。

盆中海棠

一掬珊瑚擁絳幃。瓦盆三尺足春暉。多情粉蝶欺人睡。來挑吾家醉玉妃。

山房初夏

山田八九頃。流水兩三家。鬱鬱林埋屋。涓涓篔吐花。帶雲移澗竹。耕石采崖茶。晚食甘於肉。飯中綠豆加。

池亭晚坐五首錄一

池面明於鏡。照浮雲影濃。晚風吹皺水。崩散一奇峯。

盆池

一盆誰縮地。積水渺吞天。生浪扇風力。涵雲蒸鼎烟。魚跳逐蠅影。雀浴乘人眠。一覺江湖夢。恍然欲喚船。

移竹

移竹何時好。熟梅酸雨天。栽竹何處好。清池怪石邊。墜破莓苔綠。培護琅玕鮮。位置忌排偶。疎密欲幽玄。新懸今夜月。猶帶舊溪煙。化龍或今日。栖鳳定何年。青山涌窓外。翠陰突兀然。風過雲搖曳。翠影媚清連。細香消俗氣。清陰坐成仙。時同此君醉。或留吾客眠。避炎希六逸。

卷下
憂時想七賢。但願長子孫。萬竿似渭川。待余成國史。殺
青供簡編。不然燒筆硯。一竿從漁舩。

題淮陰出胯圖

市鬪如拋七尺身。項劉何得定風塵。回頭熟視君休笑。
天下機關胯下人。

過關原古戰場

社鼠城狐召敵讐。豐家勲戚倒戈矛。低棋應遜二三道。
一賭全輸六十州。遺鏃斷鉞臨弔日。稻雲棉雪太平秋。
剩看御勝山頭月。曾照中原血髑髏。

讀漢書有感

窮兵黷武事開邊。塗炭生靈四十年。恨他方士術無驗。
不使君王早上天。

蒙古入寇圖

虜兵習馬不習水。上舟震眩心先死。虜酋好戰不好謀。
驅民強侵我西鄙。忽遭颶風簸艤幢。紛如亂葉舞空裡。
十萬兵葬魚腹中。僅能脫婦三人耳。曾誇武威攘四夷。
豈知敗衄至如此。嗚呼誰誤廟堂謀。暴虎馮河繁有徒。
看他覆溺三歎息。千秋監戒有斯圖。

美人讀兵書

韜畧兵機未易窮。不如別路奏奇功。一枝花箭在君手。

射殺英雄衽席中。

河中島合戰圖

狼吞虎噬各爭雄。搏虛批隙求奇功。潛兵背後襲越陣。
舞刀目中無甲公。二家輜略成何事。眼孔如豆戰如戲。
區區力戰鼠穴中。半生空爭彈丸地。小不能忍亂大謀。
暴虎馮河匹夫儔。不見神龍起尾海。早扶王室霸諸侯。

題濱田兄弟劫夷酋圖

荷蘭東略據臺灣。四出行高舶如山。洋中劫奪我海賈。
鷹擊鯢吞甚凶頑。濱田兄弟往報仇。偽扮商船見夷酋。

高城深室威嚴重。左右侍衛執銃矛。二士拜罷從容說。
願得罪魁付獄囚。一言未畢夷酋走。乘執突擊及擬喉。
來謝則生否則死。霜鋒照映紅毛頭。侍人驚擾銃將發。
叱咤一聲衆踟躕。夷酋鼠伏哀求命。便携質子上歸舟。
歸來潛身玉浦中。國耻已雪我何求。曹沫膽勇本為國。
魯連功成辭封候。風采真足起貪懦。畫圖赫赫照千秋。
當今方急邊防策。國是紛紛誰任責。安得公忠如二雄。
宣威海外懾夷狄。

洗樹

剪刀聲響綠陰中。驚殺鳴蟬移別叢。纔費園丁工半日。

買成明月與清風。

亂林避暑

綠滴林塘絕暑塵。茶亭客接酒船人。二川流水洗雙耳。千樹青楓浴一身。

秧針

薰風度夏畦。秧綠深漣漪。誰知秧數寸。能療世人飢。

瓜燈

赤心剗去洞然空。更置赤心空洞中。仍見生來涼味在。燈花照映碧玲瓏。

感懷二首錄一

渺渺京城灰燼餘。貧生無力結茅廬。宛同憔悴喪家狗。寧做哀呼涸轍魚。舌在可談天下事。囊空賴有腹中書。閑雲野鶴飛隨意。何必區區問卜居。

梅菊

百花殿與百花魁。邂逅相逢笑面開。共吐清香盈可結。一枝彩筆是良媒。

綠陰垂釣圖

釣竿三尺拂風塵。避濁待清烟水濱。今日廟堂求俊傑。豈無物色到漁人。

烟筒

卷下
截竹鏤金番製竒。承歡出入每相隨。枕頭卧吸聞鶯曉。
郊外行會伴蝶時。挿指輪揮供笑語。文願直立助吟思。
虛心更解通春意。女手授郎烟一枝。

無題

劇症宜投大承氣。衰躬却用四君子。只恐庸醫爭試方。
病於不死藥於死。

棄兒行

九街風雪絕人行。忽聞門外呱呱聲。收拾棄兒訟里正。
罵他父母太無情。君不見斗米萬錢民流徙。寒號飢啼
惟待死。父母在庭如不聞。滿城之人亦棄子。

贈淺田生

近日詩歌好掃戎。千篇一律襲前蹤。西人應畏東人戰。
不用刀鋒用筆鋒。

送淺田賢契為胥吏赴丹後

官遊休羨北溟魚。斥鷃逍遙亦有餘。臨別一言君記取。
冷曹宜理舊琴書。

荷錢

青蚨池上混游魚。逐浪浮沈風卷舒。本是佛家拋散後。
誤疑黃氏拾收餘。清馨君子無銅臭。白水真人愛澤居。
請看錢神靈且巧。一朝張蓋吐紅蕖。

採茶歌

茶園千頃薰風綠。葦簾護霜連棚屋。八十八夜休錯過。佳期來時春可掬。摘槍採旗苗裙娘。蒸之焙之碧豎郎。艷歌一曲遙相和。懷春終日不盈筐。夕陽人影長千尺。倒寫儂身到郎傍。精製不辭纖手倦。苦中甜味共君嘗。有感

斯道誰擔當。教方漸失真。還珠而買犢。寫貌不傳神。只有讀書士。曾無志學人。六經成故紙。終恐委灰塵。

詠雪十題

東郭散步

誤認瑤階曳珠履。誰知雪路跣行意。漢庭巧官如浮雲。不似先生踐實地。

蘇卿苦節

風沙海上牧羝羊。苦節多年甘絕糧。借問何緣堪啣雪。從來鐵石是心腸。

袁安晏起

風饗雪虐洛城晨。凍殺家家拂路人。獨有袁公卧不起。卧思一起便回春。

謝家小集

玉樹芝蘭會一堂。階庭白雪鬪清光。若教幼度共聯句。

柳絮爭能得擅場。

子猷泛舟

風剪凍雲片片飛。銀波一道射朝曦。剡溪曉雪更堪賞。不信門前興盡歸。

李愬襲蔡

鵝鴨聲中潛著鞭。賊巢已覆賊猶眠。但知風雪襲城郭。不意奇兵下自天。

鄭五騎驢

水精霞霽玉川流。驢背殷勤重轉頭。世上風波逼都下。灞橋更得幾多遊。

陶穀煎茶

瓦甌煮玉吸雲腴。不羨紅羔酒百壺。學士高風清似雪。如何依樣畫胡蘆。

宋祖叩門

風雪夜中呼酒歡。南征北伐算初完。還宮須驗眠安否。卧榻已加多少寬。

程門侍立

性理談休暝坐閑。三賢侍立儼如山。不知門外雪深淺。身在春風和氣間。

高辻公見惠紅麴

投來紅錦罽。報以赤心腸。豈敢誇豪具。唯羞映鬢霜。擁
為寒夜被。披代雨天裝。春苑觀花影。詩塲承墨香。休嘲
老鰥子。猶愛溫柔鄉。輕暖殊無比。內含恩意芳。

詠史

天下英才濟此民。一匡九合許其仁。不圖身後得知己。
更勝生前知己人。

明治四年辛未春二月晦赤穗藩臣村上氏兄弟
四人。及外姻朋友三人。擊父仇六人于高野山前
佐水阪克之。自首五條縣。縣囚之請室。尋移之和
歌山縣優待。壬申六月又移之大阪府下獄。論擬

死刑。既而從寬典減死。遣歸其家。四人禁錮三人
驅役。蓋出特旨。時六年三月也。四人長曰農夫也。
冒池田氏。次四郎。次行藏。次六郎。三人外從兄津
田勉。甥富田嘉三郎。友人赤木俊三。初在五條也。
四郎行藏各賦一絕以記喜。其詩傳播人間。余與
村上氏。世世通家。故和其韻。亦以記喜也。

九年嘗膽守愁城。一旦屠仇見血誠。赤穗從今稱巨孝。
恐無人說義芳櫻。

當昔義臣皆賜死。如今孝子特沾恩。聖朝寬宥報讐罪。
無復後人嘆屈冤。

能明於漢土。而暗於我治習之
久。海內皆然。翁豈獨異之撰
哉。既而遊京者。訪翁。誌及學
事。翁曰。自內而及外。自疎而
入密。是學之序也。其言着實
而切近。於是如信嚮所。訖
証也。邦人某嘗從歐。涉教涉

而學。教涉先問曰。日本全國
方里幾許。曰不知。曰人口幾許。
曰不知。曰歲入幾許。曰不知。
教師唾曰。子死日本。人欲支我
國人之於學。必先明於本國。
而後及於它國。日本之學。何
失其序也。某大耻焉。明治中

興以來。朝廷更張。驚笑。遍開
學於海內。大變其教。方先後
有序。踈。姦。臣。漸。而。有。彼
我。偏。重。之。失。矣。嗚。呼。翁。之。如
十年前。既有見於此。乃。議
之。卓。也。嚮。設。使。翁。教。遍。海。內。
則。無。諠。為。歐。洲。教。師。可。唾

者也。尤矣。頃日翁之門人於浦
山。因。宜。本。諺。氏。將。梓。翁。之。遺
稿。使。余。核。正。而。後。之。跋。曰。東
京。無。後。多。所。者。猶。子。身。多
師。者。舊。加。請。焉。余。誼。不。可。辭。
乃。受。而。核。之。蓋。其。文。辭。之。巧。微
曠。才。學。之。富。贍。苟。觀。此。卷。者。

皆能知之。因不待余言也。若夫翁之後之卓。而教之有序。則世或寡識之者。故詳叙之。呂為跋。

明治十年六月三十日識於東京
環岩樓 南摩經紀



明治十一年三月八日出版御居
同 年三月 刻成

著者故人 京都府平民 巖垣六藏

著者相續人 京都府平民 巖垣雄次郎
兼出版人 下京第三區饅頭屋町五百三番地御居

販賣書林 西京二條通堺町西入町 林 芳兵衛

010190525711

48-13690

